

## TITVLVS XVIII

Cum in uerba peruenio grauitatem præ se ferentia: nihil inde me facile detrahit.

Sum rebus uerbisq; serijs deditissimus.

Seria quæq; in epistolis me sibi ascripticiū asciscunt.

¶ Titulus. xvij.

¶ Seria de alio familiaris.

Perſius

Mercurius  
ægyptiacus

Coloſſus  
rhodius

Terentius

Quam sit noster **Curius** grauis in omni re sua: uel eius sermo manifesto docet. Est em̄ totus serius. Disceptauit nūc de diuinis publice in clarissima theologorū corona. Quis possit (uel si centū habeat **Homeri**: quas **Perſius** replicat linguas) describere q̄ omnia dixit serie. Credidit aduersarius hūc cauillis mordere: nunc **Mercuriū** ægyptiacū uocans: nūc **Coloſſum** rhoditū: nunc circulū ad tabernam. Hic tulit iniurias: uerbis responsa reddidit q̄ grauiſſima: eo illi turpius esse qd̄ loquacior ab elinguib; superaret. Tandē in id deuentū est: ut interminatus fuerit aduersarius. At **Curius** q̄ grauiſſime dixerit: nō iniuria cōstituisse iuſciuite: opus esse factō ubi uerba nō ſufficerēt. Propter ea sibi cedendum duello: nō cōtentioni. Dic ille inquit: si nō cedis: Immo nihil hic ait: cedendo taceo: ne te cogam: ut **Terentius** uoluit: **Ex** stulto insanū reddi. Cognouerūt **Curij** grauitatem omnes: illiusq; leuitatem. **Bene uale. Ex** Mediolano. viij. Idus Ianuarij.

¶ Seria de alio familiarissima.

**Voluiſſem**: affuiſſes cum hic noster **Curius** compulſit nos suā grauitatē supra modū admirari aduersus petulātiā **Marcantonij**: cuius contumelijs afficiebat assidue sua in lite: fuit ea uerborū seriorum modestia ut nil grauius dici queat. Ille maledicebat: hoc semp̄ benedicente. Ille hunc stultum uocabat: hic eum sapientē. Sic tandē: **Si** tua istæc sermo cinatio sapientis est: mea stulti: quæ contraria tuæ. **Vale. Ex** Mediolano. viij. Idus Ianuarij.

¶ Seria de alio grauis.

**Curius** noster uir grauiſſim⁹: & si nunq̄ aut fecit quicq̄ nō permodeste: aut cogitauit nō prudentissime: aut locutus

## TITVLVS XVIII

est non serio quibus uirtutum generibus reliquos huius  
 atatis superauit omnis: nūc tamē ea & cogitauit: & dixit:  
 & fecit: quibus seipsum superauit: ut illo utar **I**soocratis. **N**ā  
 cū in hac urbe delectus fuerit prouinciā monachorū no-  
 strorū præses: aduocauit primū in consilium ex omni or-  
 dine ministros atq; custodes: habuitq; orationē & copio-  
 sam & elucubratā diligēter de ijs omnibus quæ deceat il-  
 los obseruare qui uitā religiosam delegerūt. **H**ac autem  
 paucis complexus est: quibus ordo noster teneat uotis:  
 tantaq; tū castitatis: tū uolūtariæ paupertatis ac obediētiae  
 laudes protulit: ut incredibile dictu sit. **N**am & ab **A**risto-  
 tele declarauit has esse institutas leges uitiorū fugādoꝝ:  
 qui uirtutem distinxit in cōtinentiam uirtutē & heroicā:  
 & christiano exemplo id apertum est: cum non permisit  
 se **S**aluator temptatus a spiritu in incontinentiam delabi  
 per panis oblationem in summa fame: nec in superbiam p-  
 hortationē ut se deiciens ex pinnaculo speraret ab ange-  
 lis in manibus suscipi: nec in auariciā per regnorum om-  
 niū promissionē si cadens adorasset eum. **A**ddidit & illud  
**I**ohannis: **Q**uicquid esset in hoc orbe: aut in castitatē esse  
 carnis: aut uitæ superbiam: aut oculorum incontinentiam.  
**P**roptereaq; religiosum aduersus ea mūdi pericula debe-  
 re sese ascribere castitati: obediētiae: paupertati. **M**ox in  
 hæc explicāda descendit: execratus libidinem supra mo-  
 dum: quæ cæcū sequeret ducē: cū qua esset omnis imun-  
 ditia: omnis turpitudine. **S**uperbiā uero illam fuisse docēs:  
 quæ coegit primos spiritus in abyssum cadere. **A**uariciā  
 pari modo illinc originē duxisse a qua fiunt homines im-  
 manes in pecunia optanda: quā ut inquit **C**icero: nemo  
 sapiēs cōcupiuit: & **S**ophocles dicit: **A**uri cupiditatē ab-  
 iectione mentiū gigni. **D**einceps ubi cōsulto cū patribus  
 multa cōmentatus est ad religionem pertinētia: cunctos  
 adiuuit cōuentus: alios puniuit peccantes: alios castigauit  
 errantes: alios ad uirtutes (ppositis etiam præmijs) inuita-  
 uit: ea uerboꝝ grauitate ut admirati sint oēs: maluerintq;

**I**soocrates

**C**hrist<sup>9</sup> tem-  
 ptat<sup>9</sup> a dia-  
 bolo

**I**ohannes in  
 sua canoni-  
 ca.

**S**uperbia  
**A**uaricia

**C**icero  
**S**ophocles

## TITVLVS XIX

huic obtemperare: uel acriter uerberanti: q̄ alteri uel hu-  
manius mitiusq; cogenti. **V**ide quātū inter hominē hunc  
huiusq; cūcta seria: & alios aliqñ acerbiores (sed leuiores)  
interfit. **Bñ uale. Ex Mediolano. vj. Idus Ianuarij.**

**S**ynonyma **S**eria de alio.

**C**erte hic uir est grauissimus.

**H**oc uno quis magis serijs delectat̄?

**E**st in hoc tanta grauitas ut nihil nō loquat̄ serio.

**T**anta est in **C**urio uerborum ac sententiarū copia: ut ad-  
mirabile sit.

**V**erborum ac factorum hic pondere ac mensura cunctos  
superat.

**N**ihil ab hoc profert̄ insipide: nihil immodeste.

**A** nulla grauitate abhorret hic noster.

**E**st huic oīm i serijs & cogitādis & dicēdis haud inferior.

**V**t cogitat hic omnia mature: sic facit consulto.

**T**emeritas & insolentia dicendi agendiq; **C**urio est pro-  
tinus inimica.

**P**rudētissime **C**urius cūcta rimat̄: & cōsultissime pficit.

**A** **C**urio tam abest leuitas q̄ ab insanis grauitas.

**C**um **C**urio nulli stulto quicq; est cōmercij.

**T**anta est huic cū sapientia familiaritas: ut ab ea nullis ui-  
tæ suæ partibus possit disungi.

**C**urius cum est in agendo prudentissimus: tum in dicen-  
do grauissimus.

**V**tinā oēs qui serijs delectant̄: **C**urij similes fierent.

**S**i res publicæ **C**urij similibus manderent̄ gubernandæ:  
foelicissime semper essent.

**T**itulus. xix.

**I**mperatoria familiaris.

**E**t si nō dubito: uos milites huic ædicto continuo fore ob-  
tēperaturos: nec multis arbitror opus esse ad eos adhor-  
tandos: qui fuere semp̄ mibi obsequentiissimi: ut adijciam  
tamē calcar equo sponte currenti (ut **E**uripides dicit) uo-  
bis impero: ut ad diem cōstitutam in castris cum impedi-

**Euripides**